

Ավիկ ԻՍԱՀԱԿՅԱՆ, Ավետիք Իսահակյանը և ռուս գրականությունը, ՆՍՍՀ
ԴԱ հրատարակչություն, Նրևան, 1984, 476 էջ:

Ավետիք Իսահակյանի հանճարեղությունը վաղուց է հաստատված ոչ միայն հայ ժողովրդի, այլև ամբողջ բաղադրակիր մարդկության դարավոր մշակույթի պատմության խոստովանելու և երկարատև քննության միջոցով նրա թուղթի՝ Ավիկ Իսահակյանի, խնդիրը չէր կարող լինել այն, ինչ այլևս որևէ նոր բացատրություն կամ քննություն չի պահանջում, ինչ անառարկելի է «չն զլսեն», նույնիսկ իր ծննդից տասնամյակներ առաջ Նա դիմել է դժվարին ու կարևոր մի այլ պարբերման, որի նպատակը Վարպետի հանճարեղության՝ կաթիլ-կաթիլ կուտակման, լինելության, կորուստների, բայց և շատ հաճախ ձեռքբերումների հաղար ու մի ճանապարհի ճշտությունը քննության առնելն ու գիտականորեն հաստատումն է եղել: Հեղինակը հավաքել է այն ամենը, ինչ արժեքավոր է Վարպետի մտքի ու սրտի լայնքն ու խորքն է՛լ ավելի հստակ տեսնելու համար: Անասելի դժվար է նոր խորքեր հայտնաբերել այն պարզության մեջ, որ տասնամյակների պատմություն ունի:

Վարպետի հնարքերով ետ վերադառնալը ոչ միայն պատասխանատու, այլև հանդուգն ձեռնարկում է այն իմաստով, որ հեղինակը պարտավորված էր խորապես գիտակցել, որ ինքը պետք է նաև առաջ զնար վաղվա մեջ նրա ստեղծածի անանցանելիությունը տեսնելու համար: Սակայն այդ ամենը իրագործելուց առաջ ուսումնասիրողը պարտավոր էր նախ ցույց տալ Իսահակյանի՝ որպես հայ բանաստեղծի, ազգային մեծությունը, նոր միայն գնար դեպի ռուս գրականությունը և այնտեղ շափեր նրան Պուշկինի, Լերմոնտովի, Նեկրասովի ու Բլոկի մեծության, հանգեցնել այն եզրակացության, որ դրանք բոլորը որքան անկրկնելի, որքան ինքնատիպ, նույնքան էլ հավասարազոր երևույթներ են, որոնք թեև ծնվել ու ապրել են տարբեր ժամանակներում, ազգային կյանքի տարբեր պլանային մակարդակներում, սակայն մարդկության ճակատագրի հոգսերն ու ցավերը, նրա երազանքներն ու ձգտումները նրանց դրել են կողք-կողքի: Եվ ահա «կողք-կողքի» այդ զգացողությունը, որ ձեռք է բերվել ոչ թե սնապարծության, այլ ազգային հպարտության աղնիվ շափանդելով, հեղինակին մղել է դեպի նորանոր որոնումներ, որոնք պսակվել են նաև նոր ու կարևոր փաստաթղթերի հայտնաբերումներով:

Հեղինակի մի այլ հետևությունը նույնպես կարևոր է: Նա ցույց է տվել, որ, այո՛, իր ճակատագրի փրկության միջոցով Իսահակյանը պարտավոր էր նաև ռուս ժողովրդին և նրա հոգևոր մեծերին: Բայց այդքանով բավարարվելը միակողմանի, ուրեմն նաև թերի կլինի ճշմարտությունը: Իսահակյանի հոգևոր և մտավոր աշխարհի կարիքն, իր հերթին, զգացել է նաև ռուս ժողովուրդը: Ահա հանճարների մարդկայնության այդ դարավոր ճանապարհին էլ հանդիպել ու զինակիցներ են դարձել նրանք:

Մի արիշ առավելություն էլ ունի գրախոսվող մենագրությունը: Վարպետի կյանքի ու ստեղծագործության նոր տվյալները արխիվներից լույս աշխարհ բերելը կախված էր անթիվ դժվարությունների և, առաջին հերթին, դրանց ճշմարիտ ընտրության հետ: Հայտնաբերել այս կամ այն փաստը դեռևս շատ քիչ բան է նշանակում. գլխավորը, դժվարինը, դրան խոսեցնելն է նախ այն լեզվով, որ ժամանակին պիտի լեզու առած լիներ, բայց ինչ-ինչ պատճառներով մատնվել է համրության: Եվ ապա, հարկավոր էր իմանալ, թե որքանով է ժամանակին լեզու առած կամ չառած փաստը ծառայում այսօրվա իրականությանը և ինչպիսին է դրա նորությունը աստիճանը: Մեր խոսքը ոչ թե փաստի գոհարի արդիականացման, այլ դրա՝ գալիքի համար ճշմարտության նոր ապացույցների պահած հարստության մասին է:

Նաև այդ տեսակետից է հեղինակը փաստերի անսխալ ընտրությունը կատարել: Արվեստագետը, առաջին հերթին, անզիջում մենամարտի մեջ է լինում ինքն իր հետ, որովհետև նա, տեղեկ պատանկությունից, հետզհետե իր մեջ է առնում իրականության և՛ լույսը, և՛ խավարը: Իսկ հետագայում, երբ նրա բարձր կոշտը պարտավորեցնում է վերցրածը վերադարձնել կյանքին, սկզբում է մի մեծ պայքար նրա հոգում կուտակված լույսի ու խավարի միջև: Եվ քանի որ գրողը կոշտ է վերադարձնել միայն լույսը, բարին ու գեղեցիկը, ապա նրա առջև մի այլ խնդիր էլ է ծառանում. ընդլնել խավարի գեմ, լույսով և լույսի մեջ՝ ժամանակի հանդեպ և հանուն մարդկանց կանգնելու համար: Պատահում է՝ արվեստագետը դեպի լույսը:

գնալիս չի կարողանում հաղթահարել իր այս կամ այն թուլությունը. քարշ է տալիս նաև խավարը՝ Վարպետի նվիրվածությունն իր ժողովրդի մաքառող ճակատագրին վերջիվերջո հաղթող դուրս եկավ և նա, վերադառնալով հայրենիք, խավարի և ոչ մի ծվեն իր հետ չբերեց։ Այդքան մոլորություններից ու տատանումներից հետո այդքան մաքուր սրտով ու մտքի պայծառությամբ անցնել սահմանն այն նոր հայրենիքի, որի մասին բանաստեղծը դեռևս հստակ պատկերացում չուներ, իսկական սիրանք էր և՛ քաղաքական, և՛ գաղափարական, և՛ քաղաքացիական իմաստով։

Իսահակյանը հիմքից և խորն էր ճանաչում իրեն, գիտեր իր սրտի և հոգու հայրենասիրության կշիռը, դրա համար էլ շփալվեց Սովետական Հայաստան բերող միակ ճշմարիտ ուղու իր ընտրության մեջ։ Գրականագետը նաև այդ ճշմարտությունն է խորապես գիտակցել և ռուսական պոեզիայից Վարպետի կատարած թարգմանությունները, ռուս բանաստեղծների մասին գրած նրա հոգվածները դիտել ու գնահատել երկու առումով. ի՞նչն է հարազատ եղել Վարպետի հոգուն և ի՞նչն է է՛լ ավելի անսխալ դարձրել նրա վերջին և վերջնական ընտրությունը։

Իսահակյանը ռուս ժողովրդին մոտեցել է որպես համաշխարհային առաջադիմական պատմության դրական հերոսի, որի մարտնչող իդեալներին, հումանիստական առաքելությանը հաջատարացել ու զստահել էր՝ առանց ետ նայելու, առանց հայացքը ուրիշ կողմ թեքելու։ Իր հստակ հավատն ու նվիրվածությունը ռուս ժողովրդին, նրա գրականության մարդասիրական հզորությանը, անձնուրաց ու անբեկանելի էր։ Բնավ չափազանցություն չի լինի, եթե ոչ միայն նշենք, այլև պնդենք ու հաստատենք, որ Վարպետի ամբողջ կյանքը մի անընդմեջ անձնագոհությամբ էր, ձեռքբերումների, կորուստների, դառնությունների ու բերկրանքների մի երկար շղթա, որտեղ հաղթանակել են իր ժողովրդից ժառանգած հոգևոր արիությունն ու ազնվությունը, նրա՝ դարերի հարվածներ կրած, բայց և ոչ մի դարի մարդկային ձգտումներին չղավաճանած հեռատեսությունն ու անկոտրում համբերությունը։

Չափազանցություն չէ նաև այն, որ ուրիշ ոչ մի հայ գրողի չի վիճակվել Եվրոպան՝ գաղափարական, փիլիսոփայական ու գեղագիտական բոլոր մակընթացություններով ու տեղատվություններով իր մեջ առնել, ինչպես այդ վիճակվել է Իսահակյանին։ Ընդ որում, այդ ամենի մեջ նա մշտապես ու համառորեն որոնել է հայ ժողովրդի փրկության ուղիները։ Այդքանը դեռևս նրա ոչ միայն թափառական (ինչպես ասել են), այլ որոնող ճակատագրի կեսն է, յուրս կեսը իր վերջրածի պիտանիությունը ժամանակի հետ և դրա առաջագիմությունն տեսանկյունից ստուգել, ծանր ու թեթև անելն է, շատ գիտունների գաղափարական, գեղագիտական ու քոցիալական գեղատոմսերից հրաժարվելը։ Դա, մենք կասենք, տիտանական ինքնաստուգման, ինքնազննման և ինքնամաքման պրոցես էր, որի ընթացքում դեն էին նետվում նույնիսկ այնպիսի տեսություններ, որ թեև ժամանակավոր, բայց ժամանակի մտքի տիրակալներ էին։ Ավիկ Իսահակյանը Վարպետի կյանքն ու գործը դիտել ու գնահատել է նաև այդ հոգևոր ու մտավոր ինքնարյուրեցման տեսանկյունից։

Ռուսաստանն, անշուշտ, մեծ մտածողների ու արվեստագետների հայրենիք է, բայց Իսահակյանի կարիքը նա զգում էր, որպեսզի ազգեր ազատագրելու իր առաքելությունը վավերացնեն նաև հայ մեծ մարդասերի հավատի կնիքը։ Եվ ավելի իսահակյանը և ռուս գրականությունը՝ մենագրությունը կարգալիս, մեզ մշտապես ուղեկցել է այն միտքը, թե Վարպետը քիչ է մտածել իր անձնական կյանքի մասին։ Նրա միակ հոգսը իր ժողովրդի պատմության մեջ մնալն է։ Եղել, այդ պատմությանը պատիվ բերելու առաքելությունը։ Այդպիսի անհատները ժամանակ չեն ունենում ետ գնալ իրենց թողած ոտնահետքերով, այլ մշտապես մտածում են այդ հետքերը ոտնահարված շտեմներու մասին։ Մտածում և մաքառում են։ Հետազոտողը թեև երիտասարդ, բայց հանդգնել է նորովի և ավելի խոր հայացքի տակ առնել Վարպետի անցած հասարակ և անընդգրկելի կյանքը, ռուս գրականությունը նրա մատուցած նառաջությունն և ռուսների՝ նրա նկատմամբ ունեցած փոխադարձ սիրո ու նվիրվածության դիրքերից։

Տասնամյակներ առաջ մենք առարկել էինք մի գրողի այն կարծիքը, թե Իսահակյանը այլևս անցած է տապ է հայ պոեզիայի համար և վնասակար է եղել իսահակյան կոչը, որովհետև պոեզիայի գալիքում նա չկա և լինել չի կարող։ Առարկել ու պնդել ենք, որ Վարպետը մշտապես և՛ ներկայում ու ապագայում է, և՛ բանաստեղծական յուրաքանչյուր նոր տերմնող նորովի է վաղը, տարիներ հետո, դարերի հեռաստաններում հանդիպելու մշտական ժամանակի իրավունք վաստակած արվեստագետին։ Հեղինակն, ահա, որպես նոր սերնդի ներկայացուցիչ, Իսահակյանին հանդիպել է ներկայում, բայց գնահատել է նաև գալիքի տեսանկյունից։ Եվ նրա խոսքը վերջինը չէ, որովհետև սերունդները երբեք վերջ չեն ունենալու։

Այլիկ Իսահակյանի մենագրության մեջ զգալի տեղ են գրավում այն էջերը, որտեղ խոսվում է Հայաստանում, Ռուսաստանում ու Եվրոպայում գոյություն ունեցող քաղաքական իրադարձությունների, պետությունների միջև բարդ փոխհարաբերությունների, հեղափոխական խմբումների և դրանց հիշի կանխագուշակումների մասին: Առաջին հայացքից դա կարող է հիմնական նպատակից շեղում կամ հեռացում գիտվել: Բայց նման հայացքը սխալ կլիներ: Բանն այն է, որ Վարպետի մասին խոսելիս ոչ միայն անհնար, այլև անիրավացի կլիներ շեղվել այն ժամանակը, կամ, ավելի լայն առումով, այն դարաշրջանը, որ XX դար է կոչվում: Մի դարաշրջան, որ ծնել է արվեստագետին և ապա մենամարտել նրա հետ: Այդպիսին է դարաշրջանի բնավորությունը: Միշտ չէ, որ նա շույում է իր զավակին: Այդ հանճարեղ զավակն էլ ոչ միշտ է վստահում ժամանակի շուրջների անկեղծությունը: Եվ չնայած այդ մշտական մենամարտին, հանճարները փրկում են դարերի կուտակած լավն ու գեղեցիկը:

Որքան, որքան իդեալներ է Իսահակյանն իր սրտի մեջ առել, ծանր ու թեթև արել, թեթև, այսինքն անհեռանկարը, դեն նետել, ծանրը պահել մի մեծ ու փրկարար հառաչանքի համար: Ահա թե ինչու նրա հոգում ղողանշել են նաև տառապանքը, հայկական մեծ վիշտը, որ նաև համաշխարհային էր, և մարգու, մարդկային խոր սերը, որ նույնպես մարդկության հոգսերով էր փոթորկված: Մոժիկական այն ուժը, որ ռուսները տեսնում են և՛ Տոլստոյի մեջ, իր մի շարք կողմերով շատ է հարազատ Իսահակյանին: Եվ բնավ պատահական չէ, որ իր խոսքը նա ուղղում էր Արարատին:

Հիմա հերթը քոնն է մի պահ

Դու էլ նայիր Արարատի սեգ կատարին

Ու անցիր:

Մեծերը իրենց հոգու նաև վերջին լույսն են պահ տալիս բարձր կատարներին, որովհետև համոզված են, որ արեւածաղին այդ լույսը առաջինն է բոցավառվելու այդ նույն կատարին: Այդպես են ոչ թե հեռանում, այլ ապագա դառնում սրտի ու հոգու մոժիկները, որոնցից մեկն էլ Ավետիք Իսահակյանն է:

Գրականագետը յուրովի է անդրադարձել նաև Իսահակյանի հոգևոր կենսագրությանը: Նախ մանկությունից մտել է հեքիաթների աշխարհը, դարձել շուայլ երազող, ապա հանդիպել է գեղյուկ մարդկանց, տեսել նրանց տխուր ու արտասովոր կյանքը, երազում տեսածը համեմատել՝ իրականի հետ, դառնացել ու վար իշել պատրանքների բարձունքներից, որտեղ ամեն ինչ՝ և՛ հաղթանակը, և՛ պարտությունը, հեշտությամբ էր ձեռք բերում: Վարպետի երկրորդ քայլը ղեկավարությունների ճաշակումն էր: Հետազայում, երբ նա սկսում է իրականության մեջ որոնել այն բարին, որ հեքիաթներում հեշտությամբ պարտության է մատնում շար ուժերին, տեսնում և համոզվում է, որ իր իմացած հեքիաթը կյանքում չի կրկնվում: Եվ նա իրականությունից ոչ թե փախուստ է տալիս, այլ այն տանում է երկինք, այնտեղ՝ առեւել, և՛ խաղաղանելու համար: Ստացվում է բավականին հետաքրքիր մի տեղատվություն. սկզբում Իսահակյանին ցավ է պատճառել դրականի պարտությունը, իսկ հետո այդ նույն ատելի կյանքը տարել է երկինք, այնտեղ, իդեալների աշխարհում, խաղաղանելու համար: Սակայն դա չէր այն ելքը, որ որոնում էր Իսահակյանը: Եվ նա վերստին ցած է իջնում: Իր պատրանք-բարձունքներից, այս անգամ արդեն մարդկանց հետ տառապելու, նրանց վիշտն ու ցավերը կիսելու և արդարության համար մարտնչելու: Սակայն, ինչպես նշել է գրականագետը, «վայրէջքի» այդ գիտակցությանը դալու համար բավական չէր միայն հայ ժողովրդի ճակատագրի փորձը, որովհետև արդարությունն ու ազատությունը սոսկ ազգային ըմբռնումներ չեն: Հետևաբար նա պարտավոր էր նաև իմանալ, թե ուրիշ հոգևոր մեծերը ինչի են ձգտել, ինչ ուղիներ են որոնել և դեպի ուր են ցանկացել առաջնորդել իրենց ժողովուրդներին: Ինչ խոսք, յուրաքանչյուր ժողովրդի՝ ազատության համար մղվող պայքարն ունի իր առանձնահատկությունը, բայց վերջնական նպատակը համամարդկային է, հետևաբար և ազգային: Իսահակյանը ուրիշ մտածողների ու արվեստագետների մոտ տեսավ այդ համընդհանուրը, որ շատ էր հարազատ հայ ժողովրդի ճակատագրին: Եվ վերստին հարկ է նշել, որ նաև այդ տեսնելու ընթացքում Իսահակյանը հոգևոր ու մտավոր կեանքներ և ոչ քիչ թվով կորուստներ է ունեցել: Բայց դրանք, եթե պարտադիր չլին, ապա անխուսափելի էին մի արվեստագետի համար, որ մշտապես եղել է պատմության հորձանուտում: Ու եթե հնար լիներ ստույգ իմանալ շափն այն ամենին, ինչ Վարպետը նշում էր ու մերժել է, և այն, ինչ նա երազել է, ապա կտեսնեք, որ ատելին խորտակվել, իբրազանքը հաղթանակել, գեղեցիկ իրականություն է դարձել: Ուզում ենք մեկ

անգամ ես հաստատած լինել, որ Իսահակյանի և՛ ատելությունն է երկրային եղել, և՛ հրազանքը: Ատելության մեջ նա հեռու չէր իրականությունից, իսկ հրազանքով շատ մոտ էր ապագային:

Եվ մի՞թե զրանում չէ հանճարեղությունը մի արվեստագետի, որ խորապես գիտակցում է, թե ինչն է անցյալ դառնալու, ինչը՝ գալիք, և ինքը որի հետ է լինելու՝ անցյալի՞, թե՞ գալիքի:

Իսահակյանը մշտապես գալիքի հետ էր, սակայն այն գալիքի, որից անբաժան էր նաև դանանցյալ անցյալը:

Ավիկ Իսահակյանը ո՛չ միայն նոր, այլև արժեքավոր մի ուսումնասիրություն է ստեղծել: Գրում են շատերը, բայց դժվարը՝ ստեղծելն է, նաև գրականագիտության մեջ արվեստագետականորեն նոր գծերի հայտնաբերումը: Ավիկ Իսահակյանը հաղթահարել է այդ դժվարինը, որը նրա առջև հրամայական մի այլ խնդիր էլ է գրել. ձեռնամուխ լինել «Իսահակյանը և համաշխարհային պոեզիան» պրոբլեմային մենագրության ստեղծմանը:

ՎԱՋԳԵՆ ՄՆԱՅԱԿԱՆՅԱՆ

Բաղնասիրական գիտությունների բեկնածու